

Tiv Thaiv Koj Tus Me Nyuam Ntawm Tus Mob Npluag Paj Hlwb

Meningococcal Disease: Protect Your Child

Tseem Fwv Saib Xyuas Pej Xeem Kev Noj Qab Haus Huv pom zoo kom cov me nyuam hluas thiab cov hluas kawm ntawv qib siab txhaj tshuaj tiv thaiv tus kab mob uas yuav ua tau mob nhyav rau daim npluag paj hlwb.

Tus Mob Meningococcal zoo li cas

Nws yog ib tug mob uas tsis pom muaj ntau, tab sis yog nphav raug mas yuav ua mob nhyav heev; ua rau daim npluag paj hlwb o los yog nws mus tom cov ntshav (meningococemia). Ib xyoo twg, muaj txog li 3,000 tus neeg nyob Mis Kas teb raug tus mob no; li 30 feem pua mas yog cov me nyuam hluas thiab cov hluas kawm ntawv qib siab.

Vim tus mob no cov tsos mob kuj zoo thoog lwm hom mob uas mob sib khuav xwb, ua li mas tej thaum kuj ua rau cov kwv kho mob paub tsis meej. Cov tsos mob mas zoo li no: kub cev, mob taub hau heev, ua caj dab txhav nrees, xeev siab, ntuav, ntsia tsis taus qhov pom kev, ua fem feeb, qaug zog zias thiab sawv pob liab vog. Tus mob yuav huam ceev nrooj, yuav tuag taus los yog xiam oob khab taus, tom qab chiv mob tau 48 teev. Tus mob yuav huam ceev mus thooob ib ce, li no mas maj ceev nrooj mus kuaj thiab kho mas tseem ceeb heev. Tej zaum, twb kho thaum nyuam qhuav chiv mob xwb los twb cawm tsis tau tus me nyuam li. Cov me nyuam uas ho cawm tau, mas muaj txog li 20 feem pua yuav xiam oob khab, yam li ua rau lub paj hlwb puas, ua rau lag ntseg thiab yuav tau txiav tes-taw pov tseg vim tus mob ua rau tej tes-taw puas tas lawm.

Tus Mob No Sib Kis Lis Cas

Tus mob no kis raws kev nyob sib ze ua pa thiab/los yog nphav tau tus neeg mob tej kua ncauj kua tswg (yam li: thaum sib nwj sib hnia, thaum sib koom siv taiv diav noj mov haus dej).

Muaj Tshuaj Tiv Thaiv Tus Mob No

Muaj txog li 83 feem pua cov me nyuam hluas thiab cov hluas kawm ntawv qib siab ua tau raug tus mob no mas yog lawv tau txhaj tshuaj tiv thaiv mas yuav pab tau lawv. Nyob hauv teb chaws Mis Kas no, kuj muaj tshuaj tiv thaiv tau 4 hom kab mob ntawm 5 hom, uas ua mob rau hom mob no.

Qhov Chaw Saib Xyuas Kev Tiv Thaiv Kab Mob Kev Nkeeg (CDC) thiab cov koom haum saib kev kho mob tau pom zoo tias cov me nyuam muaj hnuv nyoog 11-12 xyoos, txhaj cov tshuaj (MCV4) tiv thaiv tus mob no; thaum lawv muaj 16 xyoo, ces txhaj ib koob ntxiv xwb. Cov me nyuam muaj 13-15 xyoos uas txhaj koob tshuaj no thawj zaug, ces rov txhaj ib koob ntxiv thaum lawv muaj 16-18 xyoo. Yog tus me nyuam twg muaj hnuv nyoog dhau li hais saum no lawm, tab sis tsis tau txhaj thiab yuav mus kawm ntawv qib siab, mus ua tub rog, los yog, mus nyob tej qhov chaw koom nyob ua ke, no ces nug kwv kho mob thiab mus txhaj koob tshuaj no.

Cov tshuaj no muaj rau hauv Public Health Department los yog tom tus me nyuam tus kws kho mob. Xav paub ntxiv txog tus mob, tshuaj txhaj tiv thaiv thiab lus nug lwm yam no ces hu rau Sheboygan County- Division of Public Health, 920-459-4382 los yog 1-800-596-1919 los yog mus saib cov tsev vas li nram no:

-Sheboygan County-Division of Public Health: http://www.co.sheboygan.wi.us/html/d_hhs_pblchlth.html

-Center for Disease Control and Prevention: <http://www.cdc.gov/meningitis/index/html>